

K. P.U. 19.

AKTA KERAJAAN TEMPATAN 1976
(Akta 171)

UNDANG-UNDANG KECIL KERAJAAN TEMPATAN
(IKLAN PILIHANRAYA)

MAJLIS DAERAH KUBANG PASU 1990

PENETAPAN TARIKH MULA BERKUATKUASA
DI BAWAH SEKSYEN 103

PADA menjalankan kuasa-kuasa yang diberi di bawah seksyen 103 Akta Kerajaan Tempatan 1976, Pihak Berkuasa Negeri mengesahkan dan menetapkan 10 Oktober 1990 sebagai tarikh mula berkuatkuasa Undang-undang Kecil tersebut.

Pada menjalankan kuasa-kuasa yang diberikan oleh seksyen 102 Akta Kerajaan Tempatan 1976, Majlis Daerah Kubang Pasu membuat dan berikutan dengan seksyen 103 Akta tersebut Pihak Berkuasa Negeri mengesahkan, undang-undang kecil yang berikut:

1. (1) Undang-undang Kecil ini bolehlah dinamakan Undang-undang Kecil Kerajaan Tempatan (Iklan Pilihanraya) (Majlis Daerah Kubang Pasu) 1990. Nama dan pemakaian.

(2) Undang-undang Kecil ini hendaklah terpakai bagi kawasan Majlis Daerah Kubang Pasu sahaja.

2. Dalam Undang-undang Kecil ini, melainkan jika konteksnya meng-
hendaki makna yang lain- Tafsiran.

"hari mengundi" berhubung dengan sesuatu pilihanraya, ertinya hari yang ditentukan dalam writ bagi pilihanraya itu untuk pengundian dilakukan;

"iklan pilihanraya" ertinya apa-apa bendera, merual, panji-panji, cogan kata, poster atau label yang dipamerkan sebagai atau bagi maksud diayah politik;

"Majlis" ertinya Majlis Daerah Kubang Pasu;

"parti politik" mempunyai erti yang sama seperti dalam Akta Pertubuhan 1966;

"permit" ertinya permit untuk mempamerkan iklan pilihanraya yang dikeluarkan di bawah Undang-undang kecil 4;

"pilihanraya" ertinya suatu pilihanraya bagi memilih seorang ahli Dewan Rakyat atau Dewan Undangan Negeri;

"writ" ertinya bagi pilihanraya yang dikeluarkan di bawah seksyen 12 Akta Pilihanraya 1958;

"Yang Dipertua" ertinya orang yang pada masa itu menjalankan kewajipan jawatan Yang Dipertua Majlis Daerah Kubang Pasu dengan sah di sisi undang-undang dan termasuklah Timbalan Yang Dipertua.

3. Tiada seorang pun boleh mempamerkan atau menyebabkan dipamerkan apa-apa iklan pilihanraya di mana-mana lebuah atau tempat kecuali di bawah dan mengikut permit yang dikeluarkan oleh Yang Dipertua. Larangan ke atas pameran iklan pilihanraya.

- Permohonan untuk permit. 4: (1) Sesuatu permohonan untuk permit bagi mempamerkan apa-apa iklan pilihanraya hendaklah dibuat kepada Yang Dipertua –
- (a) oleh parti politik yang berhasrat untuk meletakkan calon dalam kawasan berkenaan; atau
 - (b) jika orang yang akan bertanding dalam pilihanraya itu tidak mempunyai gabungan politik, oleh orang itu sendiri atau wakilnya.
- (2) Suatu permohonan di bawah perenggan (1) hendaklah dibuat di dalam bentuk yang ditetapkan di dalam Jadual Pertama berikut.
- (3) Apabila menerima permohonan itu, Yang Dipertua hendaklah, atas pembayaran jumlah wang sebanyak lima puluh ringgit sebagai deposit bagi pematuhan syarat-syarat permit dan peruntukan-peruntukan Undang-undang Kecil ini, mengeluarkan kepada pemohon s u a t u permit bagi mempamerkan iklan pilihanraya dalam kawasan-kawasan yang dinyatakan di dalam permit. Permit hendaklah di dalam bentuk yang ditetapkan di dalam Jadual Kedua berikut tertakluk kepada perenggan (4).
- (4) Yang Dipertua boleh melampirkan, pada mana-mana permit yang dikeluarkan di bawah perenggan (3) apa-apa syarat lain yang difikirkan patut dikenakan dari semasa ke semasa.
- (5) Setiap permit yang dikeluarkan akan dikenakan bayaran lima puluh ringgit.
- (6) Pemegang permit hendaklah mematuhi segala syarat yang dilampirkan pada permit itu.
- Bentuk dan jangka masa permit. 5. Suatu permit yang dikeluarkan di bawah Undang-undang Kecil 4 hendaklah di dalam bentuk yang ditetapkan di dalam Jadual Kedua atau di dalam apa-apa bentuk yang ditentukan oleh Yang Dipertua dan hendaklah habis tempohnya pada hari yang berikutan hari mengundi.
- Daftar permit. 6. Yang Dipertua hendaklah menyebabkan disimpan dan diselenggarakan dalam apa-apa bentuk dan mengikut apa-apa cara yang ditentukannya, suatu daftar bagi segala permit yang dikeluarkan di bawah Undang-undang Kecil 4.
- Pengalihan iklan pilihanraya selepas hari mengundi. 7. Tiap-tiap pemegang permit hendaklah, dalam masa empat belas hari selepas hari mengundi, mengalihkan segala iklan pilihanraya yang dipamerkan, dan segala papan tanda atau struktur lain yang didirikan olehnya.
- Pengalihan iklan pilihanraya oleh Yang Dipertua 8. (1) Yang Dipertua boleh mengalihkan apa-apa iklan pilihanraya atau apa-apa papan tanda atau struktur lain yang didirikan bagi maksud mempamerkan iklan pilihanraya itu jika–
- (a) pemegang permit gagal mematuhi kehendak-kehendak Undang-undang Kecil 7; atau
 - (b) dia berpuas hati bahawa iklan pilihanraya itu dipamerkan tanpa permit.

(2) Segala perbelanjaan yang dilakukan oleh Yang Dipertua dalam menjalankan kuasa-kuasa yang diberikan oleh perenggan (1) hendaklah disifatkan sebagai hutang yang kena dibayar kepada Yang Dipertua oleh pemegang permit atau, jika iklan pilihanraya itu dipamerkan tanpa permit, oleh orang yang menyebabkan iklan pilihanraya itu dipamerkan sedemikian, dan bolehlah didapatkan kembali dalam mahkamah dengan sewajarnya.

9. (1) Tanpa menjejaskan peruntukan-peruntukan lain dalam Undang-undang Kecil ini, jika— Perlucuthakan deposit.

- (a) terdapat suatu pelanggaran apa-apa syarat permit; atau
- (b) terdapat apa-apa pelanggaran atau ketakpatuhan mana-mana peruntukan Undang-undang Kecil ini,

Yang Dipertua hendaklah melucuthakkan deposit yang dibayar di bawah Undang-undang Kecil 4 jika, selepas memberikan pemegang permit suatu peluang untuk didengar, dia gagal memuaskan hati Yang Dipertua tentang kenapa deposit itu tidak sepatutnya dilucuthakkan.

(2) Apa-apa deposit yang tidak dilucuthakkan di bawah perenggan (1) hendaklah dikembalikan kepada pemegang permit tanpa apa-apa faedah selepas empat belas hari dari masa habis tempoh permit itu.

10. (1) Suatu iklan pilihanraya hendaklah dipamerkan mengikut mana-mana cara yang berikut sahaja: Cara memamerkan iklan pilihanraya.

- (a) dengan melekatkannya pada suatu papan tanda atau struktur lain yang didirikan atau diletakkan oleh pemegang permit;
- (b) dengan menggantung iklan pilihanraya itu disepanjang mana-mana lebu, pada pancang-pancang yang didirikan oleh pemegang permit;
- (c) dengan menanam penompang iklan pilihanraya itu ke dalam mana-mana paras tanah selain daripada laluan jalan kaki yang diubinkan atau kaki lima; atau
- (d) dengan apa-apa cara lain sebagaimana yang dinyatakan oleh Yang Dipertua dalam permit.

11. Walau apapun apa-apa peruntukan lain dalam Undang-undang Kecil ini, tiada seorang pun boleh— Larangan terhadap memamerkan iklan pilihanraya di tempat-tempat tertentu.

- (a) memamerkan apa-apa iklan pilihanraya atau membina atau mendirikan apa-apa papan tanda atau struktur lain mengikut apa-apa cara sehinggakan ia meliputi atau melindungi apa-apa isyarat lalu lintas, tanda arahan atau lampu perhiasan;
- (b) memamerkan apa-apa iklan pilihanraya atas atau merintang mana-mana lebu; atau
- (c) memamerkan apa-apa iklan pilihanraya pada mana-mana bangunan awam atau struktur lain dengan menggunakan paku, gam atau pelekat lain, atau dengan apa-apa cara lain yang akan merosakkan atau mencacatkan permukaan bangunan atau struktur itu.

Kesalahan
dan penalti
am.

12. (1) Mana-mana orang yang melanggar atau gagal mematuhi mana-mana peruntukan Undang-undang Kecil ini adalah melakukan suatu kesalahan di bawah Undang-undang Kecil ini.

(2) Mana-mana orang yang melakukan suatu kesalahan di bawah Undang-undang Kecil ini boleh dikenakan, apabila disabitkan, denda tidak melebihi dua ribu ringgit.

UNDANG-UNDANG KECIL KERAJAAN TEMPATAN
(IKLAN PILIHANRAYA)

MAJLIS DAERAH KUBANG PASU 1990

JADUAL PERTAMA

BORANG PERMOHONAN
[Undang-undang Kecil 4(2)]

Yang Dipertua
Majlis Daerah
Kubang Pasu
Tuan,

*Kami
(Nama penuh parti politik dengan huruf besar)

beralamat

saya (orang yang tiada gabungan dengan mana-mana parti politik atau

wakilnya)
(Nama penuh dengan huruf besar)

No. K.P. beralamat

.....
memohon untuk mendapatkan permit untuk mempamerkan iklan pilihanraya di bawah Undang-undang Kecil 4 Undang-undang Kecil Kerajaan Tempatan (Iklan Pilihanraya) (Majlis Daerah Kubang Pasu) 1990.

2. *Kami/Saya lampirkan wang sebanyak lima puluh ringgit sebagai deposit dan wang sebanyak lima puluh ringgit sebagai pembayaran permit bagi pematuhan syarat-syarat permit dan peruntukan Undang-undang Kecil tersebut.

Tarikh:

.....
Tandatangan Pemohon
(Pemohon-pemohon)

* Potong yang tidak berkenaan

UNDANG-UNDANG KECIL KERAJAAN TEMPATAN
(IKLAN PILIHANRAYA)

MAJLIS DAERAH KUBANG PASU 1990

JADUAL KEDUA

PERMIT IKLAN PILIHANRAYA
[Undang-undang Kecil 4(3)]

Permit No: Rujukan Fail:

Nama:

Alamat:

adalah dibenarkan oleh Yang Dipertua Majlis Daerah Kubang Pasu, untuk mempamerkan iklan pilihanraya/iklan-iklan pilihanraya di kawasan-kawasan berikut (sebutkan kawasan-kawasan pilihanraya):

- (1)
- (2)
- (3)
- (4)

Permit ini adalah berkuatkuasa sehingga hari yang berikutan hari mengundi, tertakluk kepada syarat-syarat berikut:

- (1) Membayar sejumlah lima puluh ringgit sebagai deposit bagi pematuhan syarat-syarat permit dan peruntukan-peruntukan Undang-undang Kecil Kerajaan Tempatan (Iklan Pilihanraya) (Majlis Daerah Kubang Pasu) 1990.
- (2) Membayar lima puluh ringgit untuk permit yang dikeluarkan.
- (3) Larangan mempamer iklan-iklan pilihanraya dengan paku atau gam atau pelekat lain pada papan-papan tanda jalan, tiang-tiang papan tanda, isyarat-isyarat lalulintas, tiang-tiang lampu jalan/lampu-lampu hiasan, jambatan-jambatan, jejantas-jejantas, jejambat-jejambat pejalan kaki, dinding-dinding tembok penahan, tanda-tanda arahan, pagar-pegar/tembok-tembok keselamatan, dinding-dinding terowong/terowong-terowong pejalan kaki, pokok-pokok, pembahagi-pembahagi jalan, dinding-dinding luar bangunan, pondok-pondok bas/pondok-pondok teksi (termasuk bahagian luar atau dalam bumbung), tiang-tiang pondok, tempat-tempat duduk, tong-tong sampah, dinding-dinding kiosk, panel-panel iklan dan pondok-pondok telefon.
- (4) Larangan membina atau meletak iklan-iklan pilihanraya di laluan jalan kaki yang diubinkan atau kaki lima.
- (5) Larangan untuk menggantung iklan-iklan pilihanraya merintang di mana-mana jalan atau lebuhraya.
- (6) Iklan-iklan pilihanraya dipamerkan di kawasan-kawasan yang dinyatakan di dalam permit sahaja.
- (7) Segala iklan-iklan pilihanraya hendaklah dialihkan dalam masa 14 hari selepas hari mengundi.

